



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

25. De Clerico percussore

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

justas causas ad id habere potest, quales v. g. forent, ne subditi ab aliis functionibus cum damno Reip. abstrahantur. Ne armis tractandis cum periculo seditionis assuescant. Ne sub specie venationis prædas agant, latrocinia exercent. Pichl. *h. t. n. 5.* præterea affert rationes ex prescriptione, voluntaria subditorum cessione, occupatione bellica petitas. 2. Non peccat tamen per se loquendo graviter subditus, si unam alteramve feram contra Principis prohibitionem capiat. Ita habet communis persuasio, optima humanarum interpret. 3. Nec peccat regulariter contra justitiam, quia prohibito non funditur in jure proprietatis. 4. Nec obligatur ad restituendam feræ illicitè captæ æstimationem. Ratio, quia licet quis contra edictum Principis venetur, fera tamen ipsius fit, utpote antecedenter nullius. &c.

TITULUS XXV.

De Clerico Percussore.

Q. 1. *An prohibitum sit Clericis, ne Laicum percutiant?* Resp. ad 1. Omnibus Clericis præcipuè constitutis in Ordinibus sacris, prohibita est percussio laici propriâ manu facta. *can. 1. & 7. dist. 45. can. 25. dist. 86. c. 1. h. t.* Si fuerit verberatio gravis, graviter, si levis, leviter, est prohibita. Ratio, quia repugnat gravius, levis leviter charitati proximi, modum

stia Clericali, & mansuetudini Christi. Possunt
tamen Præceptores, Moderatores, & Magistri
AA. LL. venire ad verbera moderata. *can. 19.*
dist. 1. de pœnit. etiamsi discipuli, quos corrigunt
ira, sint Clerici. *c. 10. & 54. §. fin. de sent. Excomm.*
Episcopi etiam & superiores Regulares possunt
Clericos sibi subditos, si fuerint in minoribus,
ob causas leves, si in maioribus constituti, ob
graviore verberibus castigare. *can. 8. dist. 45.*
can. 25. pr. dist. 86. non tamen propria manu
Episcopus potest percutere. *can. 25. cit.* sed per-
cussionem committere debet Clerico, non laico *de*
jure, nî velit ipse cum Laico percutiente excom-
municationem incurrere, etiamsi iusta verbera-
tionis causa subsit. *arg. c. 24. de sent. Excomm.*

Q. 2. Sub quibus pœnis prohibitum sit Clericis,
percutere Laicum? *Resp.* Si Clericus percusserit
laicum, pœna primâ vice pro qualitate & circum-
stantiâ percussione, est arbitraria; si se Clericus
non emendaverit, sed facili ac passim ex indigna-
tione subitaneâ ob leviores etiam defectus ad
verbera procedat, deponi potest & debet. *arg.*
c. 1. h. t.

TITULUS XXVI.

De Maledicis.

Q. 1. Maledictum quid & quoduplex? *Resp. I.*
In genere maledictum, nomine à maledi-
cendo vel loquendo derivato, est mala locutio de

G 4

alte-